

REGLUGERÐ FRAMKVÆMDASTJÓRNARINNAR (ESB) 2020/757

2021/EES/7/10

frá 8. júní 2020

um breytingu á reglugerð (ESB) nr. 142/2011 að því er varðar rekjanleika tiltekinna aukaafurða úr dýrum og afleiddra afurða (*)

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (EB) nr. 1069/2009 frá 21. október 2009 um heilbrigðisreglur að því er varðar aukaafurðir úr dýrum og afleiddar afurðir sem ekki eru ætlaðar til manneldis og um niðurfellingu á reglugerð (EB) nr. 1774/2002 ⁽¹⁾, einkum d-lið 6. mgr. 21. gr. og 2. mgr. 31. gr.,

og að teknu tilliti til eftirfarandi:

- 1) Í reglugerð framkvæmdastjórnarinnar (ESB) nr. 142/2011 ⁽²⁾ er mælt fyrir um framkvæmdarreglur fyrir reglugerð (EB) nr. 1069/2009, þ.m.t. kröfur varðandi rekjanleika aukaafurða úr dýrum og afleiddra afurða.
- 2) Í samræmi við 2. mgr. 7. gr. reglugerðar (EB) nr. 1069/2009 eru afleiddar afurðir áfram flokkaðar í sama flokk og þær aukaafurðir úr dýrum sem þær eru úr. Við tiltekin skilyrði geta þó fisklýsi og fiskimjöl innihaldið tilteknar efnaleifar í meira magni en fiskur eða lagarafurðir, sem eru hæfar til manneldis, sem þau eru fengin úr og þurfa þess vegna afeitrunarmeðferð áður en þau eru notuð í fóður fyrir dýr.
- 3) Í reglugerð framkvæmdastjórnarinnar (ESB) 2015/786 ⁽³⁾ eru skilgreindar viðmiðanir við að samþykkja afeitrunarmeðferðir sem notaðar eru á afurðir sem eru ætlaðar sem fóður. Kröfur og viðmiðanir við að samþykkja afeitrunarmeðferðir fyrir fisklýsi og fiskimjöl úr efnum í 3. flokki, sem kveðið er á um í reglugerð (ESB) 2015/786, ættu að tryggja að afeittrað fisklýsi og fiskimjöl úr efnum í 3. flokki í fóðri stofni ekki heilbrigði dýra og manna og umhverfinu í hættu og að eiginleikar fóðursins breytist ekki á neikvæðan hátt við afeitrunarmeðferðina. Þess vegna er lögð áhersla á yfirvaldi heimilt að leyfa afeitrunarmeðferð innan yfirráðasvæðis síns aðildarríkis meðan það eru engar samræmdar reglur um sendingu þessara efna til afeitrunar í öðru aðildarríki.
- 4) Til þess að heimila afeitrun tiltekins fisklýsis og fiskimjöls, sem eru ætluð til að fóðra alidýr, ætti að fastsetja kröfur um sendingu fisklýsis og fiskimjöls, sem innihalda of mikið magn af efnaleifum, til afeitrunar í öðru aðildarríki í stöðvum sem eru samþykktar í samræmi við reglugerð Evrópuþingsins og ráðsins (EB) nr. 183/2005 ⁽⁴⁾. Þess vegna ættu aðildarríki að heimila, ef nauðsyn krefur í kjölfar áhættumats, flutning á fisklýsi og fiskimjöli sem eru ætluð til framleiðslu á fóðurefnum og innihalda of mikið magn af díoxínnum og/eða fjöklórúðum bifenyllum (PCB), í skilningi tilskipunar Evrópuþingsins og ráðsins 2002/32/EB ⁽⁵⁾, frá öðrum aðildarríkjum til stöðva sem eru skráðar eða samþykktar til afeitrunar á yfirráðasvæði þeirra.
- 5) Fisklýsi og fiskimjöl úr efnum í 3. flokki, sem þegar hafa verið sett á markað og greinst jákvæð m.t.t. of mikils magns af díoxínnum og/eða fjöklórúðum bifenyllum (PCB) við opinbert eftirlit, ættu þó ekki að falla undir afeitrunina sem kveðið er á um í þessari reglugerð.

(*) Þessi ESB-gerð birtist í Stjtið. ESB L 179, 9.6.2020, bls. 5. Hennar var getið í ákvörðun sameiginlegu EES-nefndarinnar nr. 178/2020 frá 11. desember 2020 um breytingu á I. viðauka (Heilbrigði dýra og plantna) við EES-samninginn (bíður birtingar).

(1) Stjtið. ESB L 300, 14.11.2009, bls. 1.

(2) Reglugerð framkvæmdastjórnarinnar (ESB) nr. 142/2011 frá 25. febrúar 2011 um framkvæmd reglugerðar Evrópuþingsins og ráðsins (EB) nr. 1069/2009 um heilbrigðisreglur, að því er varðar aukaafurðir úr dýrum og afleiddar afurðir sem ekki eru ætlaðar til manneldis, og um framkvæmd tilskipunar ráðsins 97/78/EB að því er varðar tiltekin sýni og hluti sem eru undanþegin heilbrigðiseftirliti með dýrum og dýraafurðum á landamærum samkvæmt þeirri tilskipun (Stjtið ESB L 54, 26.2.2011, bls. 1).

(3) Reglugerð framkvæmdastjórnarinnar (ESB) 2015/786 frá 19. maí 2015 um skilgreiningu viðmiðana við að samþykkja afeitrunarmeðferðir sem notaðar eru á afurðir sem eru ætlaðar sem fóður eins og kveðið er á um í tilskipun Evrópuþingsins og ráðsins 2002/32/EB (Stjtið. ESB L 125, 21.5.2015, bls. 10).

(4) Reglugerð Evrópuþingsins og ráðsins (EB) nr. 183/2005 frá 12. janúar 2005 um kröfur varðandi hollustuhætti sem varða fóður (Stjtið. ESB L 35, 8.2.2005, bls. 1).

(5) Tilskipun Evrópuþingsins og ráðsins 2002/32/EB frá 7. maí 2002 um óæskileg efni í fóðri – yfirlýsing ráðsins (Stjtið. ESB L 140, 30.5.2002, bls. 10).

- 6) Breyta ætti 21. gr. reglugerðar (ESB) nr. 142/2011 og VIII. viðauka við hana til samræmis við kröfur sem varða sendingu afleiddra afurða sem eru ætlaðar til afeitrunar í öðru aðildarríki.
- 7) Ráðstafanirnar, sem kveðið er á um í þessari reglugerð, eru í samræmi við álit fastanefndarinnar um plöntur, dýr, matvæli og fóður.

SAMÞYKKT REGLUGERÐ ÞESSA:

1. gr.

Reglugerð (ESB) nr. 142/2011 er breytt sem hér segir:

- 1) Í 21. gr. er eftirfarandi málsgrein bætt við:

„3. Flutningur á fisklýsi og fiskimjöli úr efnunum í 3. flokki til framleiðslu á fóðri, öðrum en þeim sem eru flutt inn frá þriðja landi, frá vinnslustöð sem er samþykkt til framleiðslu á fisklýsi og fiskimjöli til fóðurstöðvar sem er skráð eða samþykkt í samræmi við reglugerð (EB) nr. 1069/2009 og samþykkt í samræmi við 3. mgr. 10. gr. reglugerðar (EB) nr. 183/2005, í öðru aðildarríki til afeitrunar í samræmi við meðferðirnar sem um getur í reglugerð framkvæmdastjórnarinnar (ESB) 2015/786 (*) skal fara fram í samræmi við reglurnar sem settar eru fram í VII. kafla VIII. viðauka.

(*) Reglugerð framkvæmdastjórnarinnar (ESB) 2015/786 frá 19. maí 2015 um skilgreiningu viðmiðana við að samþykkja afeitrunar meðferðir sem notaðar eru á afurðir sem eru ætlaðar sem fóður eins og kveðið er á um í tilskipun Evrópuþingsins og ráðsins 2002/32/EB (Stjtið. ESB L 125, 21.5.2015, bls. 10).“

- 2) Ákvæðum VIII. viðauka er breytt í samræmi við viðaukann við þessa reglugerð.

2. gr.

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 8. júní 2020.

Fyrir hönd framkvæmdastjórnarinnar,

Ursula VON DER LEYEN

forseti.

VIÐAUKI

Eftirfarandi er bætt við VIII. viðauka við reglugerð (ESB) nr. 142/2011:

„VII. kafli

FLUTNINGUR Á FISKLÝSI OG FISKIMJÖLLI, SEM ERU ÆTLUÐ TIL FRAMLEIÐSLU Á FÓÐUREFNI, TIL AFEITRUNARSTÖÐVAR

1. Rekstraraðilar sem ætla sér að flytja fisklýsi og fiskimjöl úr efnunum í 3. flokki, sem eru ætluð til framleiðslu á fóðri, frá vinnslustöð sem er samþykkt til framleiðslu á fisklýsi og fiskimjöli til fóðurstöðvar, sem er skráð eða samþykkt í samræmi við reglugerð (EB) nr. 1069/2009 og samþykkt í samræmi við 3. mgr. 10. gr. reglugerðar (EB) nr. 183/2005, í öðru aðildarríki til afeitrunar í samræmi við meðferðirnar sem um getur í reglugerð (ESB) 2015/786 skulu sækja um samþykki fyrir sendingunni hjá lögbæru yfirvaldi á viðtökustaðnum.

Umsóknin skal vera á stöðluðu sniði fyrir umsóknir og leyfi sem sett er fram í 10. þætti III. kafla XVI. viðauka við reglugerð (ESB) nr. 142/2011

2. Lögbært yfirvald viðtökuaðildarríkisins, sem um getur í 1. lið, skal upplýsa rekstraraðilann um ákvörðun sína varðandi sendinguna með því að endursenda umsóknina, sem um getur í öðrum undirlið 1. liðar, útfyllta til samræmis við það.
 3. Lögbært yfirvald upprunaaðildarríkisins skal, í gegnum Traces-kerfið í samræmi við ákvörðun 2004/292/EB, tilkynna lögbæru yfirvaldi viðtökuaðildarríkisins um afgreiðslu hverrar sendingar.
 4. Ákvæði 1. til 3. liðar í þessum kafla skulu ekki gilda um fisklýsi og fiskimjöl úr efnunum í 3. flokki, sem eru sett á markað til framleiðslu á fóðri, sem of mikið magn af díoxínum og/eda fjöklórúðum bifénylum (PCB) greindist í við opinbert eftirlit.“
-